



17 May, 2016

Taijaujuk **Pigiasittitauninga PiusituKaujut & Asianguvalliajuillu Kagitaujanga**, aiviugunnatut Kaujigumajunut amma Kaujitaugiallagiamut ilikKusitigut Kaujisannimi, kinakkunut, Labradorimi Inunnut, Tamâni takunnaKutit adjinguanik, atuagannik, Kaujigatsanik sunagiallanillu pidjutlilinn ilikKusitigut Kaujisannimik amma sujuKalimangât nunagijaujuni iluani amma saniani Nunatsiavut.

KaujisaKatigennik akungani Nunatsiavut Inuit kavamanga, Memorial University, amma ungatâni twenty-mettut asingit katutjiKatigennet, mikijunit nunalinnilu, angijunut amma nanituinnâjunut. SuliaKausiulangajuk tallimani jârini, tâvatuak attuininga ippiniattauniattuk akunimut.

“Tamanna pimmagittuk suliaKausiujuk akungani Nunatsiavut amma Memorial University, takuligekKugut nunalinni-ikajuttigennikut suliaKausiujunik,” uKajuk Nunatsiavut angajukKânga Johannes Lampe. “Nakutsaluagivunga takugiamik tungaviujumik uKausiliginnimut amma Kagitaujakkotitait atuinnaulutik Inuktitut.”

PiggagasuattuKasimavuk ilonnâni PiusituKaujuut & Asianguvalliajuillu akKutinga Labradorimi Inuit tusugijangit sivullitullugit KikKanetillugillu; ilijauninginni Inuktitut Kangatuinnak, nunalet Kaujimattitauninginnut, ilautitauninginnut Labradorimi Inuit Kaujisattinut. PiusituKaujuut & Asianguvalliajuillu atuinnagutjilittut ilijaugiaKanninginnik NunalituKait KaujisattaugiaKanninginnut.

“Piggunnagittuk,” uKajuk Vicky Allen Rigolet, Kaujisattuk kenaujaliugutaugunnatunik Memorial Ilinniavitsuanganit “Ununningit Kaujisattaajut tamâni sakKigialet, amma Ikajuttigennik uvattinik pivitsaKatitsujuk ilautuinnamiungituk Kaujisannimi tâvatuak ikajullunilu namut aijuKagiaKammangât.”

PiusituKaujuut & Asianguvalliajuillu âkKisuttaumajuk initsauluni ilisautiugumajunut amma Kaujimausinnut inogusigisimajanginnik Labradorimi Inuit. Tugâgutinga Ikajuttigenniup tukisigiamik amma pitsatunittâgigiamik Labrador Inuit ilikKusinginnik, kinauninginnik, amma, uKausinginnik.

Ikajuttigennik unuttuni jârini suliajigausimajuk, amma kamasimajut nakutsajut suliajisimajangit sakKitillugit, amma Kagitaujakkut takujaugunnalutik nunatsualimâni.

“Takugumajaga Kagitaujak Kaujisapviugunnatillugu pillugit Labrador Inuit ilikKusingit – iniulluni ikajuttaugutilet, Kaujisattet nunatsualimâmit amma ilonnatik nunalet aigunnalutik ilisautiKagiattulutik pimmagittumik inogusiujuunik iluani Nunatsiavut, uKajuk aulatsujuk, Tom Gordon, “Allat, Kanuttovunga tamatsumona ilinganningagut Kaujimajaugialinnut, Kagitaujak pikKujiniattuk inogusilinnik Labrador Inuit ilikKusinginnik uvattinut avitsiKataullutik, ammailutik uKâlaKatigenniugajattumik ilonnainut.”

PiusituKaujuut & Asianguvalliajuillu Kaujisannimi Ikajuttigennik pigiasittitaumajuk ikajutsiningagut Social Sciences and Humanities Research Council amma ikKanattumi tunitsisimajut unuluat twenty-nik ikajuttigellutik katutjiKatigennet.

Kaujimagumanimmut ilonnainik sujuKalimmangât iluagut PiusituKait & Asianguvalliajuillu, aigunnaKusi Kagitaujamut amma Kaujisapviugunnatunut.

Inuktitut Website: www.PiusituKaujuutAsianguvalliajuillu.com

English Website: www.traditionandtransition.com

Facebook: www.facebook.com/traditionandtransition

Twitter: www.twitter.com/unikkaatuak